

THE COMPOST COLLECTIVE



BOKASHI

TAUTEUTE KE KAMATA

Nākai tuga e tau fakakelekele tuai, fakaaoga he Bokashi e pautā inoculant ke fakatatage/fakapulu aki. Ko e fakatatage/fakapulu nei ke maeke ai he tau otaota mena kai ke popo vave mo e nākai namu kelea.

Ko e Bokashi, ko e puhala fakafaliu kelekele ne nākai fakaaoga e ea [oxygen]. Fakaaoga he puhala nei ua e pakete fakafenofoaki. Ko e pakete i luga ne toka ai e tau otaota mena kai ti pogoti ke mauokafua, ka ko e pakete he kelekele ke hapo aki e tau puke ka tafe hifo he pakete i luga.

Kua lata ke toka he tokaaga mafana mo e mamao mai he hikila he laa.

TAU MENA KE LALAFI KI AI

Ha ko e fakaholoaga fakapulu nei, kua talaga e Bokashi ke fakaputu aki e haau a tau otaota mena kai oti, ne aofia ai foki e tau mena kai ne kua nākai fa mahani ke fakapopo poke fagai aki e tau kelemutu tuga e:

- Tau fua lakau mata mo e tau kai vesetapolo
- Tau pinipini kofe mo e tau taga pini ti
- Tau kai moho mo e tau kai mau tuai tuga e falaoa mo e pasatā
- Tau mena kai poa ne lahi e polotini [protein] tuga e siisi, tau fufua moa, tau vala manu, vala ika mo e tau ponu ikiiki.

TAU MENA KUA NĀKAI LATA KE LALAFI KI AI

Aua neke lalafi ki ai e tau mena na i lalo;

- Tau kapone 'Kaki' tuga e tau laupepa, tau puha pepa po ke tau otaota mai he katene.
- Tau mena puke tuga e huhu, tau inu huhua mo e tau oela
- Tau polohui manu lalahi
- Tau taga mo e tau afi pelesetiki




EcoMatters



Kaipātiki Project
share in nature's revival



BOKASHI



PUHALA KE BOKASHI

Helehele e tau otaota mena kai haau fakaikiiki tuga e tau fuapolo ta-fuapolo-tea ti tuku fakalataha he puha i luga.

1. Lalafi e tau otaota mena kai lagataha po ke lagaua he aho ki loto he pakete Bokashi.
2. Lali ke pepeehi fakamao hifo e tau otaota mena kai ke fofota kehe e ha matagi i ai.

3. Lafi 1-2 e sipunu lahi he pauta Bokashi ke he 6 cms he tau otaota.

4. Pa ke mauokafua e pogoti he pakete ka oti e fakaaoga.

Fakatafe tumau he 2 ke he 3 e aho e puke mai he pakete i kelekele.

To namu e tau otaota mena kai tuga e tau mena kai fakapulu ti to tupu mai ai foki e tu pusi tea i luga. Ko e kakano, kua gahuahua mitaki e tau puhala fakatokatoka.




KO E HEIGOA KE TAUTE AKI E PUKE?

Ligi e puke nākai huihui vai, fakahako hifo pu falevao, pa kōukou po ke tau hala fakatafe vai, ke lagomatai aki ke meā tumau.

Ke huihui, lalafi 2-3 e sipunu lahi he puke ke he 5 e lita he vai. Ligi e puke nai ki luga he kelekele po ke matapatu he tau akau ke lagomatai aki a lautolu ke moui malolō.

3 e sipunu lahi he puke bokashi



5 e lita he vai



KO E HEIGOA KE TAUTE AKI E TAU PINI KAI?

Ka puke e pakete haau, toka ai he mauokafua ia ke he 10-14 e aho ke fakaotioti e fakapulu. Fakatumau ke fakatafe e tau puke. Ka mole 10-14 e aho, kua lata tuai e Bokashi haau ke fakaaoga. Keli e luo loa he katene haau ke hokulo tuga ni e hokulo he pakete Bokashi mo e fakalahi ua e loa.

Tuku e tau pini kai ne kua pulu ki loto he luo loa ti tanu aki e kelekele 50-75 e mm he matolu. Ka mole e 3-4 e faahi tapu, to faliu ai e tau otaota mena kai fakapulu haau ke he kelekele talumelie ti maeke ia koe ke to fakahako e tau akau i luga he mena nei.

Ka nākai fai vala fonua atā a koe, tuku fakalataha e tau pini kai ke he apa fakapopo veve haau. Fakaaoga e Bokashi haau tuga e fata "Mata/Lanu Laukou". Folafoa i luga ti ufiufi aki loga e tau veve "Pakupaku/magomago".



Pakupaku mo e magomago

Mata mo e foou

Fakaaoga e bokashi ko e fata mata mo e foou haau.

Seneuisi kelekele fakapopo.

Ko e tau magaaho i mua, to loga e tau fata ka lafi ki luga mo e to faliu ke he kelekele fakapopo.

Kelekele fakapopo motua

